

# KA KITAB KHASI

KABA AR

DA

U JEEBON ROY.



— :0: —

Shillong :

PRINTED AND PUBLISHED AT THE RI KHASI PRESS.

1946.

*All rights reserved.*

KA dor 6 ana.



# KA KITAB KHASI

KABA AR

DA

**U JEEBON ROY**



— :o: —

Shillong :

PRINTED AND PUBLISHED AT THE RI KHASI PRESS.

**1946.**

*All rights reserved.*

KA dor 6 ana.

GOVERNMENT OF MEGHALAYA  
VILLAGE LIBRARY.

NO. ....

## PREFACE.



Ine i kitab Khasi iba ar nga pynmih da ka jingkyrmen ba in ioh ka jingiakyrshan lem na ki lok baroh. Ki lynnong nga pyishang katba lah, ban buh kiba jem, kiba ki khynnah ki lah ban pule bad sngewthuh, nalog kane ba in long ym tang kum i kot pule, hynrei, bad ba in hikai ia ki ba kin nym kren lamler ne leh sarong, ne rkhe bein iano iano, &c., &c., shi kyntien ban ong ba kin long ki khynnah tipsngi.

Ki lynnong ba la buh hangne la khmih ba kin long kiba sngewtynnad ban pynkwah ia ki khynnah ban byrngia pule kai ba da kane kin nang kin roi ha ka jingpule ruh de.

SHILLONG :

*May 1899.*



JEEBON ROY.

# CONTENTS.

	PAGE.
Preface .. ...	
U Khynnah tipsugi . . . . .	1
U Khynnah runar . . . . .	2
U Jaipdeh ... . . . .	<i>ib</i>
U Kyllamut ... ..	4
Arngut kiba pas M. A. ...	6
U Khynnah babha ...	7
U matlah	10
Shaphang ki khun sim	12
Ka ktien lamler ka bam bi	15
U Khynnah ap blang	<i>ib</i>
U Nongshohnoh	16
U Nongtuh	17
U Tamti	18
U Kynrau nongtuh	19
Ka sngi bad ka miet ..	21
Shaphang u Bnai . . . . .	23
Shaphang ki han ki siar ..	25
Ka kulai khlaw . . . . .	26
U Ngap ( <i>Bee</i> ) .. . . .	28
U Dkhiew ( <i>Ant</i> ) ... ..	29
U Khun baduk .. . . .	30
Ka jingiathuhkhana shaphang ka khynnah kynthei ... ..	33
Ka jingshet jakai ... ..	34
Shaphang u kulai... ..	36

## (ii)

	PAGE.
Shaphang u skaiā . . . . .	37
Uba sarong . . . . .	38
Shaphang ka tyngab . . . . .	40
Shaphang u myrsiang bad ka puka . . . . .	42
Shaphang ka sim dkhoh . . . . .	43
Shaphang ka jakoid . . . . .	44
Shaphang u Sing, &c. . . . .	44
Shaphang ka pung jvlliew . . . . .	47
Ki mullah sawngut . . . . .	48
U Akbar Padsha bad u Birbol . . . . .	51
U Nongrep bad ki khon . . . . .	54

# KA KITAB KABA AR.



## 1.—U Khynnah tipsngi.

U Khynnah tipsngi u khie step, la dang khie u bta khmat, u kup jain, tad lah, u kynmaw la ka kitab, u spel ĩa ki kot ba dei spel, ĩa kiwei pat ki kot u pule u khreh la ka lynnong ban leit pule ha skul, tad u lah, u sa bam ja, tad u leit ha skul ruh u shong khop bad u minot bha, u pynshah shkor ĩa ki jinghikai.

2. Man ka sngi u lah biang biang la ki lynnong ba buh ki nonghikai. ĩa uta u khynnah ki kmie ki kpa ki sngewbha bad ki ieit, sa ki nonghikai ruh kumjuh hi ki ieit ki sngewbha.

3. U khynnah ba tip-sngi um ju leh danda um ju ĩashoh ĩadat bad ki briew, um ju ĩamai um ju kren sih mai sih ĩano ĩano ruh.

4. Katba kren katba ong ki rangbah u sngap bad u kynmaw kyndong.

5. Kum ĩa uta u khynnah baroh ki briew ki ieit bad ki burom ruh.

## **2.—U Khynnah runar.**

Uwei u khynnah u kyrteng u Kormaw. Uta um ju sngap ĩano ĩano ruh, sha skul katba u leit khlem pule khlem thoh u pynleit ĩa ka por tang ha ka jingialeh kai; man ka sngi u pynjah kitab tad u wan poi ha ĩing da ka kaw kaw suda, u ĩam u pan jingbam, u pan kpu, pan kait pan soh: ynda ha kawei ka step la un leit skul, tyngheng um don kitab, u shu leit suda khlem pule; tang ba u leh satia ia ki para khynnah; u kren sih u ĩashoh u ĩadat; kumta kiba tip bad ĩohi ĩa u, ki isaitmet bad kim ju ĩalok, ki kiar kylleng na u; u ĩalang tang bad kiba runar. Kumta haduh ban da san ruh u shu long runar, um nang pule nang thoh satia.

2. Phi kiba dang khynnah kumne to sumar wat ĩa pynmlien ban long runar ĩoh phi kylla' bieit haduh ban da rangbah ruh.

---

## **3.—U Jaipdeh.**

Uwei u khynnah kyrteng u Jai, uba dang phra snem antad karta. Ka kmie u kpa jong u ki phah skul man ka sngi. Ki ai ki kitab ei ei baroh katba donkam ha skul. Man ka sngi ha ka por leit skul u mih na ĩing khlem



leit poi sha skul; u ñaleh kai noh kylleng kylleng man ka sngi; tad ynda la poi ka por wan skul ki khynnah baroh, u ruh u leit beit sha la ñing, u leh ha ñing kum uba la wan skul: kumta hi u leh man ka sngi. Ha kawei ka sngi u ñashem ia u Minot.

2. *U Jai u ong*, Ko lok ale me ong ngin ñaleh kai noh baroh arngut bad nga.

*U Minot u ong*, Ngam treh me, ba dei ka por leit skul, ka dei ba ngan leit skul, ba sneng i mei i pa; bad u nonghikaj ruh u ong to pule bha bad ñaleh katba lah. Ha ka por leit skul leit beit sha skul, ha ka por ñaleh-kai ñaleh-kai, lada ñaleh-kai lynter kylla runar, ñoh shitom baroh shi rta.

3. *U Jai u ong*, Ale seh lok ngin ñaleh kai tang khyndiat eh ngin sa ñaleit sha skul.

*U Minot u ong*, Lada sdang khyndiat yn nang brai, yn-nym kynmaw shuh ña la ka kot ña la ka por leit skul; yn sa long runar; yn ñoh shitom baroh kawei ka rta, kumba ong ki jong i mei i pa. Kumta u iaïd beit bak bak sha la skul.

4. *U Jai pat u shu dem ñaleh kai man ka sngi*, tad ynda u rangbah ruh u long bieit bad ha ka jingshitom suda.

---

#### 4—U Kyllamut.

Ha kawei ka sngi, uwei u khynnah kyrteng u Kyllamut uba la kumba shiphew snem ka rta, u shait ialeh kai eh baroh shi sngi shi sngi, khlem leit skul; u shu phulai buit ia kiba ha iing laiphew jaid; ban pyni ialade kum uba wan skul eh.

2. Ha kawei ka sngi u iashem ia uwei u khynnah kyrteng u *Smat*, U Kyllamut tad u iohi u ong, Ko lok nga la sngewbha noh teh ba nga la shem ia phi, Ale seh ngin ialeh kai noh, eu ba sngewtynnad noh teh ba ioh ialeh kai.

3. U *Smat*, A lok baieit ka jingsneng ki kmie ki kpa bad ki nonghikai, ba ha ka por trei to trei bha, ba ha ka por ialeh kai ialeh kai: kynmaw kyndong la ki kitab, lada ngam leh kumta kin bitar bad kin sympat ruh ia nga, sa hadien pat ruh ngan long bieit long sniang baroh shi rta U ong artad, Ngam treh phi lok. U leit beit jindat bak sha la skul.

4. U *Kyllamut*, U shem pat ia uwei u khynnah, u shakri uwei u mahajon kyrteng u Kynmaw, naduh jngai u la mut ha la ka mynsiem, "O utai u khynnah te dei u bam leit skul, tad nga khot un sa wan ialeh kai

bad nga." Tad poi uta u khynnah hajan ngong, u Kyllamut u phuh samrkhie muiñ muiñ, u ong artad, Ko lok baieit nga ap ia phi hangne baroh shisngi, ban ioh ïaleh kai; nga sngewbha ba phi la wan poi, ale keiñ bad nga ngin leit ïaleh kai sngewbha.

5. *U Kynmaw u ong*, A lok! nga u khun baduk nga leit shong shakri ha ïing ki briew, u kynrad jong nga u phah leit shaw jingkit na sha ïew, lada ngam leit kloï un bitar, bad un pynthiah jingit bad ka sympat artad; haba ngan leit ïalehkai noh bad phi, ei ban ai ja pat ia nga. U ong artad. Em ngam treh leit ïalehkai phi lok. Kunta u leit noh soit sha la ka kam.

6. Hangta u *Kyllamut* u shong khop ha-rud lynti, u pyrkhat ha la ka mynsiem, ba baroh u para khynnah da uba leit suda sha la ka kam ka kam, da uba ngeit ia ka jingsneng ki kmie ki kpa, bad ki nonghikai; tang nga marwei, nga long uba runar bad bamngeit sneng. Nangta u ïengjoit u leit beit sha la ïing bad ka' jingiam artad.

7. Ka kmie jong u tad ka ïohi ka la kyn-dit thred ka la mut ba la shoh eh u nonghikai ha skul, u la wan phet noh. Ka kyn-rup ka thum bad ka kjor ïa u, ka kylli. Ba-

lei balei kumne khun phi iam bad phi wam phet noh na skul?

8. *U Kyllamut* u ong, Em ko mei nga sngewsih ia la ka jinglong, ba baroh shi katta nga la thok, khlem da leit skul; nga la leit ialeh kai baroh baroh shi sngi, hynrei mynta ngan leh tipsngi noh, bad nga pan map na phi.

Naduh kata u *Kyllamut* u leh tipsngi bad u leit skul barabor, ynda u la rangbah u long stad long bha shibun eh.

### 5.—Arngut kiba pas M. A.

Arngut shi para uwei u *Donmut* u long u hynmen uba dang khadar snem karta, uwei u *Donkhan* u para uba dang shiphew snem karta, baroh shi para ka dur ka dar ki ia syriem kumjuh hi. Haba ki leit skul, leit kai shano shano ruh kim ju ia pyllait; haba ki ioh jingbam khlem da iasam lem kim ju bam; kiwei kiwei ki briew kat kiba iohi ia ki, khlem iarah, khmih iait ia ki, kim ju lah jam ka kjat tang shi synjam ruh.

2. Haba kine baroh shi para ba ki leit skul ruh, ki minot bad leh tipsngi shibun eh; ki nonghikai lajan man ka sngi khlem da leh

ieit bad thap ieit na ka met jong ki kim ju pyllait na skul.

3. Haba la wai skul ruh kim ju kyrkieh ban ioh mih kloï na skul, ban phet kynthep bran kum kiwei kiwei ki khyannah; kine ki da ap haduh ban da ong ki nonghikai bad ki da khublei ia la ki nonghikai; haba kin mih na skul ruh, ki da iaid suki mian mian, kim ju iaid kyrdem tham tham.

4. Ynda ki san baroh arngut ki stad haduh ba kin da pas M. A.

5. Ki kmie ki kpa jong ki kat sha ba ki leit ki iohsngew da ka jingiaroh tipsngi suda ia ki khun jong ki; kalno ka jingsngewbha phuh shalangmat hun mynsiem haduh bam lah ong shuh.

## **6.--U Khyannah babha.**

Uwei u khyannah kyrteŋg u Babha, ha kawei ka sngi haba un mih na skul u kham sah dien, ki para khyannah baroh ki la mih shuwa noh. Hamar ba un jam ia ka jing-khang u shat ka khmat ha tbian ha iwei i kynjri ksiar, la u phai shadien sha shuwa ym don briew mano mano ruh u mut ha lade, ba lada um tam yn wan poi mano re

mano ki briew bamman kin shim ei noh, u trai un num ioh shuh, u pat la un leit wad ia u trai um tip, hangta u ieng shiphang u khuslai ban leh kumno. Ynda khadduh khadwai u kut jingmut ba khambha ban shin ban leillam sha la ka kmie un sa leh kat-ba ka ong.

2. U shim ia uta u kynjri ksiar u song khop ha la ka jainkup. U leit beit sha la iing, tad u poi ha iing khlem kren iano iano ruh u leit ha la ka kmie.

3. U ong, Ko mei, myntan ha ka shahksew skul, nga shem une u kynjri ksiar, uei re uei u khyunah khlem akor u pynhap: la ngan leit wad ia u ruh ngam tip ba dei u jongno, la ngan iehnoli hangta pat ruh nga sheptieng ioh tuh ei ki briew. A! katta u trai te mo katno ba u sngewsih ba jah noh, sa ki kmie ki kpa katno ba ki mai ki nia ia u, bad ka jingbynnud artad, mynta nga la wallam noh ha phi hato yn leh kumno?

Ka kmie jong u ba ka tynjuh ia ka jingmut jong u, ka ong, Ko khun ia u kynjri ne ka ei ei ruh wei phi la iohei hi, te, la long ka jong phi keiñ, yn donkam aïu ban dang khuslai pat, to shim ei noh ialade keiñ une u kynjri.

4. *U Babha* u ong, Em, Em ko mei une u long u jong ki briew; lada ngan shim ia u, ngan long u nongtuh, kam dei ban shim phi mei ia ka jong ki briew; ia une u kynjri ngan ym shim ei la kumno kumno ruh ka dei ba ngan leit ai ha u trai.

5. Ka kmie haba ka la lohsgew ia u *Babha* ba u kren kumta, ka la sngewbha shibun eh. Ka da shim ka thum khop; ka doh artad, ka ong, Ko khun baieit jong nga, phi la lah ban sngewthuh haduh katta katta, ba ia ka jong ki briew ym bit ban shim, kata ka long kaba bha shibun eh ko khun. Ka shim ia u kynjri ka ong artad, ieh mynta un sah ha nga, la shai ngan bthah ba phin leh kumno.

6. *U Babha* baroh shi miet u pyrkhat, bad ban leh da kumno ban shem ia u trai kynjri.

7. Ynda mynstep ha ka por leit skul, ka ai ka kmie ia u kynjri ha u, ka da pynsong khop ha ka jainkup. Ka bthah artad ba tad u poi ha skul ba un ai ha la u nonghikai, uta un sa kylli hi jar uba jah kynjri ha ula un ai. Kumta biang kumba la bthah ka kmie u *Babha* u la leh hangta ha skul, u nonghikai de u la shem ia u trai ba jah bad u la ai. Kumta baroh shi skul, ki nonghikai bad ka

khynnah ki la ĩaroh shibun eh ĩa ka jing-  
hok jingbha u *Babha*.

---

### **7.—U Matlah.**

*U Thoin*, u ong ĩa la ka kmie, Ko mei, to khmih balei ĩa utai u briew ba da btin da uwei pat u khynnah, u wan beit sha ĩing jong ngi?

2. Ha khmih kine ki la wan poi haduh phyllaw, balei mei?

3. Ka kmie ka ong, A! ko khun utai u briew uba long ha ka jingĳinjar ba ũ matlah noh baroh arliang ki khmat, u wan khnang ban khrong na ĩing jong ngi.

4. *U Thoin* u ong, Balei mei u da wan khrong, um nang leit shong shakri lane bylla ban ĩoh bainong.

5. *Ka kmie* ka ong, Em ko khun, wat ba u khrong kylleng kylleng ruh tang da kaba btin kiwei pat, haba khapbrip ki khmat un nang leit trei jingtrei pat kumno, u long barobor ha ka jingkordit suda, um nang ban leit shano shano ruh lada pyllait tang ĩa u hi ban ĩaid un kum noh sha riat sha ram, un mynsaw un ĩap ruh artad.



6. *U Thoin* u ong, Haba kumta te un nangshet ja tong um, ialade da kumno?

7. *Ka kmie* ka ong, Em um nang, da pynshet ja da ai um da kiwei pat tang ba unbam ruh ki da pyntur kiwei pat hajan ngong te u sa bam.

8. *U Thoin* u ong, Waw! ban kumta te um la suk eh uta ban pynkhreh lpa da kiwei u sa tang ban shu bam?

9. *Ka kmie* ka ong, Em ko khun ka jingshitom jong u, ka long kaba tam eh ban na kino kino ki briew kiba don ha ka pyrthei Ba katba leh katba kam ki briew um iohi bad kano kaba bha kaba sniew um iohi.

10. *U Thoin* u ong, Te haba u wan hangne ha iing ngi, ia ngi bad ia kane ka iing baroh um lah ban iohi?

11. *Ka kmie* ka ong, Em keiñ khun, wat tang ia la ki kti, ki kjat ruh um lah ban iohi satia.

12. *U Thoin* u ong, A! shisha haba kumkata u long ka jingim jong u, man la ka por ka sdien ha kiwei pat, katno ka long ka jingsngew isynei shisha haba ia ka sngi ka miet ruh um tip, te, phin ia ai khrong katno?

13. *Ka kmie* ka ong, Ngi ju ai man ka sngi shi kham u khaw, lane kawei ka paisa.

14. *U Thoin* u ong, Waw! ko mei phin ai beiñ tang shikham u khaw bad kawei ka paisa, te un dap bam da kunno, bad kiei ban lah ai ña u man la ka sngi?

15. *Ka kmie* ka ong, Em phi khuu ka jing-leit kh-rong jong u man ka sngi, u leit kyl-leng ka shnong.

16. *U Thoin* u ong. A! ka jinglanot sngew isynei u bapli u matlah, to ngin ña ai saw paisa bad saw kham u khaw. Kunta ka kmie jong u ka sa ai saw paisa bad u khaw ha ka kti u Thoin, uta u Thoin u sa ai ha u matlah, bad u sngewbha shibun eh, ba u la ñoh ai khrong hi da la ka kti.

Ka dei ña ngi baroh ban isynei na ki matlah, ki dkoh, ym dei ban leh beiñ kun ña kita.

---

### **8. Shaphang ki khun sim.**

Ka kmie u Mara ka leit ñalam ñaid kai ña u sharud nong ba don ka khlaw. Katba ki dang ña ñaid shapoh ki dieng ki la ñohi arngut ki khynnah ba ki wan mih na kata ka khlaw ki rah la ki khun sim ha u skum sim, ki bam pat nang her.

2. Kylli u Maia, Ko lok phi wan na shano? Kita dei uwei u Ehnud uwei u Shlan, ki ong. Ngi wan wad khun sim, bad ngi la ioh ruh mar ar ar tylli. U Maia u ong, Hato lok kita ki khun sim kiba long kumno?

Tad ki la pyn-i u ong, Wa! ko lok kiba dang sawlia eh du, tang sner ruh kim don, phi leit shim ba phin leh aü?

3. U Ehnud u ong, Ba ngin ialeh kai keiñ. U Maia u ong, Waw! ko lok, kiba phin ri ruh ym pat bit, phin ia lehkai ruh tang ba kin iap ei.

4. U Shlan u ong, To me he, ia ka sim ruh me khein sbai eh, la ka iap te kaba katno pat ngin nang ioh.

5. U Maia u ong, Waw! ko lok phim isynei haba kumne ba ki pah bad ba ki ang ob shi ob bad ki kyrthat ba ki wad kmie wad kpa. Sa ka-kmie jong ki pat katta katno ba ka pyrta bad ka lynñiar ba ka wad ia kine ki khun jong ka.

6. U Ehnud u ong, O! me teh uba leit pyrkhat salia haduh katta katta eh ia ka sim ruh, ban da ioh ia ka kmie ruh ngin kemban wan thang doh sha iing.

7. U Maia u ong, A! lok nga te nga isyn-ei ia kine ki khun sim, bad nga pyrkhat sa

ka kmie jong ki lei lei katno ka jingsngewsih  
ha ka mynsiem bad ka jingiam lynñiar katta.

8. U Ehnud bad u Shlan ki ong, Me uba  
leit pyrkhat haduh katta ãa ka rat mrad ruh.

9. Hangta ka kmie U Maïa kam lah shah,  
ka sa kem ktien, ka ong, ko hep khyunnah to  
sngap ngan ong kawei ka ktien ãa phi.  
Hangta U Ehnud bad u Shlan ki la ãing beiti  
ha khmat jong ka bad la ki khun sim ha ki  
kti jong ki.

10. Ka sdang ban ong kumne, Ehnud, Shlan  
phi don kmie don kpa ne em?

Baroh arngut ki ong, Balei ngim don?

11. Ka ong, Haba phi don kumta, tharai ban  
da don mano mano ban kem ãa phi myn-  
dang phi khyllung bad kin leit ialeh-kai bad  
pyniap noh. Phin sngewbha kumta?

12. Ki ong, Em ngin da lynñiar eh katba  
lah bad ka kmie ngi ruh kan ialeh haduh  
ban da pyniap ãa uta u briew uba kem ãa  
ngi.

13. Ka ong, Hooïd shisha kumta, phim tha-  
rai ka kmie kine ki khun sim ruh ba kan  
da donbor kan wan knieh bad pyniap ãa phi.  
U Ehnud u Shlan ki ong, Shisha myntan ka  
kmie sim ka wan her nalar nalar ka khlieh

jong ngi, ka pah kab shi kab, ngi ia khyrwit da ki maw tang bam dei hi.

14. Ka kmie u Maia ka ong. Shisha shisha baroh kaba ong u Maia ha phi kaba dei, ym dei ba phin leit leh bein ia ki khun sim bad ia ka kmie jong ki, katta katno ba ka tim ba ka mai ia phi, to khie leit buh noh. U Ehnud u Shlan ki phet pynban soit sha shnong.

15. Hangta ka sa ong ia u Maia, Phi khun wat ju leh runar kum kito ho, ba ka long ka bam dei eh ban leit shim ia ikhun ki brierw.

---

### **9.—Ka ktien lamler ka bam bit.**

Uwei u khyannah kyrteng u Jler, man ka kynti u pan shuti na skul u phulia buit u ong ba suh ka kpoh, lane ba pang kiba ha iing. Tad la shem ba u shu kren lamler naduh kata um ju ioh shuti shuh, bad ki paralok ruh kim shaniah ia u.

---

### **10.—U Khyannah ap blang.**

Uwei u khyannah kyrteng u Lambaid u leit ap blang man ka sngi sha lum Mawpat, shisien arsiën, u lynfiar kai kaw kaw, Waw! u khla,

'waw! u khla u bam ia ki blang. Ki briew kē leit; tad ki poi hangta u rkhie kai pynban kak, kak. U leh kumta shisien arsien, ha kaba laisien wan shisha u khla u kem ia kī blang, la u kyang katno katno ruh ym don ba leit beh shuh. Ki mut ba u leh thamula.

---

### 11.—U Nongshohnoh.

*Uwei u Yap-ei*, man la ka sngi u wan na la lyngkha, hamar ba u poi ha ka phud kawei ka wah u lynñiar eh kliang liang liang da kaba ong. Waw! to rap to rap kloī. Kiba ia shyrti lyngkha shaphang shata, ki leil iabeh ki mut ba beh u nongshohnoh, hyurei tad ki poi hajan, u rkhie kai noh ha, ha. U la leh kumne la bunsien, ki la bitar shibun eh ki para marjan lyngkha. Ynda ha kawei ka prem-miet ha kata hi ka phud wah kaba u ju leh thamula, hamar ba u poi ha them bha ngop mih uwei u nongshohnoh na sha khmat, uwei na shadien, ki kynrup roit roit sha met, ba un phet ruh um lait shuh. U shu kyang shla kliang shi kliang la ki ioh-sngew ki briew ki tharai ba u leh thammula kumba u ju leh kim leit beh satia sha u, ha kata keiñ ki nongshohnoh ki ioh pyniap ia u

Ko hep khyannah, phi-i kitei kiba lamler  
kumno ki shem, sumar ba phin num mlien ban  
lamler bad leh thamula ia ka bam dei

---

## 12.—U Nongtuh.

Uwei u khyannah kyrteng u Buitti u leit skul  
barabor bad u nang pule nang thoh bha shi-  
bun eh, man ka Eksamineshon (Examination)  
u ioh buskit (prize) hynrei ka akor jong u  
pat man ka sugi khlem da ioh tuh kitab lane  
pensil (pencil) um nang ban leit sha la iing,  
haba u wallam ia ki mar tuh ha iing, ka  
kme kam ju sneng kam ju ma', kumta u la  
brai buitti noh barabor, kat shaba u leit tad  
u ioh-i i-ei i-ei i jong ki briew iba itynnad u  
kwah ban tuh, bad u thap sor shi sor, la  
bunsien u la ioh tuh.

Ila kawei ka por u leit ha Dukan u Maha-  
lon u ioh-i iwei i baje ksiar iba itynnad  
shibun eh, u thap baroh shi sugi, hamar ba  
kim ioh-i u tuh noh soit, hamar ba un poi  
ha surok u shakri u Mahajon u kem ia u,  
ba u ioh-i ba u rah kynthap kynthap hapoh  
jain, kumta u la kylli naei ba u ioh, u ong  
ba u ioh na kitei na ki thie, hangta ki leit

lam sha ĩng Kashari (Court). Ha ka jing-bishar la sabud tuh bad la thep phatok ĩa uta u Buitti shi snem.

Khmih hep la phi nang pule nang thoh makna te donkam aũ lada phim hikai ĩa ka akor babha.

Ka jingbrai buitti bad ka jingmlen shalai buit sniew ka ĩalam ĩa u briew ha ban da hap lehraiñ haduh ban da kut. Sumar ban num buitti ĩa ka ong ki briew.

---

### 13—U Tamti.

Uwei u khynnah kyrteng u Tamti man ka sngi ha ka por leit skul, u leit ĩaid lyngba ĩa ka kper ki briew u tuh soh artad u shu dem mlien kumne keiñ barabor. Ha kawei ka sngi u trai kper, u ĩoh-i u beh bad u ĩoh kem ĩa u, dei ha ka por leit skul, baroh ki para khynnah ki leit lum lwai hangta, la shem ki soh *Peach* ar-hali ha ki pla jong u. U trai kper u shim noh ĩa kita ki soh bad u sympat artad san thri, hangta la kynha ki para khynnah bareh; naduh kata kat ba man ka teng ki pynrem ia u, *U Nongtuh soh*, katno ba u ĩoh lehraiñ kheiñ burom.



Sumar hep khynnah phi wat ju mlien ban leit tuh jingbam na kper ki briew, ha khmih u Tamti katno ka jinglehrain ba u ïoh.

Kaba leit shim ïa kaei-kaei ka bam dei la ka jong, long nongtuh, ynda la ïoh kem ki trai katno ka jingïoh lehraiñ.

---

#### **14—U Kynran nongtuh.**

*U Kynran*, u long uba nang bastad shibun eh, hynrei la dang khynnah u shait mlien tuh eh na skul bad na kiwei ki jaka ruh, ynda u la rangbah ruh tad u ïoh-i ïa kaei-kaei ka jong ki briew um don pyrthei u la i kuah, tang ban ïoh tuh hi keiñ kaba u ïoh tuh ruh don kaba um ïoh ruh don.

Nadien kata u ïoh leit shong shakri ha u Syiem, ha ïng uta u Syiem, bun ki kamra kiba dap da ki mar kordor suda. Ha kawei ka sngi ha ba'm don briew ha ïing, u leit ha ka kamra shongkai, hangta don kawei ka baje ksiar ba da buh khnang; u Syiem ïa lade u rieh ha kawei ka kamra.

*U Kynran* u shim ïa i-baje ksiar u khmih yt bha bad u la threw noh teh shibun eh ban tuh ïa kata ka baje haduh ka bam lah ong

shuh; hynrei u pyrkhat, "Ba lada ioh kem ki briew kin ai saja; lada kim ioh kem pat ruh un tang ioh-i ba don ki ban ia kren pasiaw arngut, ia la kawei ka kam ruh, un shu ma jrang-pa-jrang ba ioh ki ialap ia u, sa kawei pat kat shaba u iaaid u ieng un shu dem pyrkhat ha la ka jingmut da kum-no ba un burieh ban num shem ki briew. Un shudem long tang ha ka jingshyrkhei bad ha ka khia rynjut ka jingmut ha la ka mynsiem." Tad nangta u kut jingmut ban num tuh, u buh noh dak ia kata ka baje.

U Syiem u mih bluit u ong, Ko *Kynran* haba me la shim te me buh pat balei? U *Kynran* u ong, A! Padsha kynrad ka jingmlien la dang khynnah ka la pynshoi ia nga hynrei mynta nga la san bad nga la nang pule nangthoh, wan poi ka jingsheptieng laiphew jaid, kumta nga la buh noh, ngam shlan tuh shuh, U Syiem naduh kata u ai ka hukum kaba eh ba katba don ki khynnah ha ka Hima jong u ban hikai pule bad ka akor babha.

Ko lok baroh to kynmaw ba katba hika; ia ki khynnah kumta ki mlien baduh ban da rangbah ruh.

---

### 15—Ka sngi bad ka miet.

*Ko mei* balei, ki ong ka la shai bad ka la miet? *Khun*, phim ioh-i ia ka sngi, ba ka long kaba pynshai ia ka pyrthei baroh kawei kumta tad mih ma ka ki ong, la shai.

2. Ei ba tip shwa ban mih ka sngi *mei*?

3. *Ko Khun*, phi dang khyannah phim pat shemphang bha ia ka jinglong ka sngi ynda phi kham san phin da kham stad te phin shemphang; hynrei mynta ngan batai ia phi tang khyndiat, ei ban tip shuwa ban sa shai.

4. Hooid nga kwah ko *mei* tang maian khyndiat.

5. *Ko Khun*, haba ngi la iohthiah ngim tip ei-ei shuh, hynrei ba ban sa shai kyn-ih u iar nyngkong hangta dang imat, byrnget byrngel, haba la kvu-ih ar sien ka la nang kham imat, ynda haba lai sien hangta la imat bha; sa pah ka tyngab bad kiwei-wei ki kynja ba her ha suiñ bneng.

6. Na sha phang ba mih ka sngi, ki ong ka mihngi shaphang ba sep ka sngi, ki ong ka sepngi.

7. *Ko mei*, lada ym don ka sngi ngim lah ioh-i ei-ei ruh?

8. Phim-i *khun*, la dang ka mih bluit tyngshain halor ki dieng, ki iing ki sem baroh, ha ka um bad ha ka pyrthei baroh; A! ha ka, ka long kaba pyn-i-tynnad bad phyrnai ia kiei-kiei baroh; ka pynshit bad pynsyaid ia ngi baroh.

9. Ma ka, ka long kaba pynih ia ki soh, ki kba baroh laiphew jaid ki jingbam.

10. Lada ka sngi kam shat ha ki lyngkha bad ki kper baroh, ei-ei ruh yn nym mih.

11. Hateng hateng ka ju buhrieh ia la ki kjat tyngshain jong ka hapoh u lyoh tang hamar kata ka por ngi shlan peit pyrshah sha ka, ha bym don lyoh ngim lah ban peit pyrshah. Ka jingtyngshain badap biang ka long hamar ka por shiteng sngi, ngim lah peit namar ba ka thaba eh lain, ia ki khmat ka pyn-matlah, tang u pukni u' lah ban khmih pyrshah.

12. Ka dkhoh bad ka Kalabadur tad shu byrngut ki phet noh sha la thliew dieng thliew maw. Ki khla ruh ki leit phet noh sha krem hangta ki thiah baroh shi sngi

13. Tad sep ka sngi ki ong la miet.

14. Ei ba thaw *mei* ia kata ka sngi? Uta

uba tang marwei hi, Uba la thaw ia ka pyrthei bad ĩa kiei-kiei baroh, u dei U Blei bakhraw bad ba don bor, la dang mih ka sngi ngi dei ba ngin nguh ngin dem ĩa U Blei.

---

### 16.—Shaphang U Bnai.

*Ko khun* wat pat mih kai mynta ka sngi pyrem ba ka shiit eh ĩoh ĩoh pang khlieh; ngau sa leit ĩalam kai la shibit prem miet shapoh kper dieng soh.

*Ko mei* mynta la lah san baje shiteng to ĩa seh, ngin ĩa leit noh shapoh kper ba phi ong.

Ale ko khun ngin ia ĩaid na kane ka lynti ba tugen.

Ia *mei* ĩa, shisha kane ka lynti kaba itynnad artad. Waw! lada lap dum noh du *mei*, ka sngi ruh ka la sep noh.

Koil *khun* ba shai rong bha u<sup>6</sup> Nai-khad-saw-synia, imat hi kum ka sngi; katba ngin wan tawiar ĩa ka kper la pyngad bha.

*Ko mei*, to khmih uei u tai uba pyllun halor bneng uba shai itynnad ?

Utei kein ba nga ong u 'Nai-khad-saw-syn-ia u la dap bha baroh sawdong pyllun; sa kitei *pat* kiba phyrnai de baroh kawei ka bneng dei ki khlur.

*Balei mei* myndang sngi, ba ngim ioh-i ia kitei baroh bad ia u bnai ruh ?

*Ko khun*, ka sngi ba ka long kaba tyng-shain eh, da ka jingthaba jong ka, kiei-kiei baroh ki jah noh kim lah pynpaw ialade.

*Ko mei* katno tylli ki sngi ki don ha ka bneng ?

*Khun*, don tang kawei hi kein, koit wat pat bniah eh shaphang kata, phin da kham san phin sa shemphang hi ia kata baroh.

*Ko mei, mei!* ha khmih ha khmih katai ka dieng harud wah kaba puh da ki tiw-ding ?

Em ko *khun*, kitai dei ki niang-bading, kiba nang her bad nang par ruh, ki phyrnai tang mynmiet, mynsngi kim lah phyrnai ba thaba eh ka sngi.

Hato da kumno *mei* ban ioh ia ki tai ki khfiang kiba phyrnai ?

Ia *khun* ngin leit kheit kawei ka tnat dieng ngin leit lam sha ling.

Kumta ki leit lam kawel ka tnat dieng, ynda la poi ha ting ki fiang-bading hajan ka sharak ruh ki phyrnai hi.

Balei *mei* tang kine ki khñiang ki phyrnai, ei ba thaw ia ki bad ia u bnai? U Nai-khadsaw synia i-jemnud bad bha shu pyllun jabrei.

Ko *khun*, tang Uta hi Ujuh Uba la thaw ia kiei-kiei baroh, Uba ki khot U Blei ba-thaw, bad na ka balei U la thaw ia kipe baroh, kaba maian shibun eh tang u hi uba tip.

— — — — —

## 17 -- Shaphang ki Han ki Syiar.

Ko *mei*, ha khmih kitai ki han, ki Radha ki jngi kai ba pukri; ngan leit bret *mei* ia ki syiar de kin ia jngi lang hangtai ha pung?

Em, em ko khun ka syiar kan iap hapoh um, kam juh nang jngi.

Balei *mei* kam nang jngi ka syiar, haba ki ia long syriem hi kumjuh?

Ko *khun*, phin da khmih it bha, ki shyn-rishjat ka han ka radha ki long kiba tathat lang da ka shap, ka syiar pat kam don kumjuh

ki shynriahti jong ka kiba long thymbrang. Kynja ki sim baroh kiba iathain lang kī shympriahjat da ka snieh ne ka snep, kum kita ki lah ban jngi ha<sup>m</sup>um, jar kiba long thymbrang ki shynriahjat khlem iasoh kum kita kim lah jngi.

Balei *mei* ki dohkha, ki sher, ki dohthli ki bam don kjat ruh ki nang jngi bad ki shong hapoh um ?

Ko *khun*, phim-i ki don ki ~~thap~~thapniang da kita ki kaweh bad ki lah ban leit kat shaba mon hapoh um, ban buh ha ryngkew te kin iap noh kumne kumne.

Ya kane la buh bynta U Blei Nongthaw ba ki kynja dohkha kin shong hapoh um. Ki kynja briew mrad bad kiwei de kin shong ha ryngkew.

### 18.—Ka Kulai Khlaw.

1. Kawei ka Kulai khlaw, barabor ka ju leit bam phlang ha kawei ka madan bakhrav kaba long tang da u lang lung suda ; hangta wan kawei ka bthong de, kaba ka jingkhraw jingrit syriem mar kumjuh hi.



2. Kata ka Kulai ka la bitar bad ka la bishni shibun eh ia kata ka Bthong; la kan leh kumno kumno ruh kam lah ban beb noh ne pyniap ia ka ruh kam lah, ba ia long ki bor mar ryngkat.

3. Ha kawei ka sngi ka ioh-i ba uwei u nongrep u iaid na shata; ka la pyrkhat; ba kan leit iathuh pynshoi ha uta u briew te un sa leit pyniap ia ka Bthong.

4. Kumta ka iaid bran-bran ka leit ieng ha khmat uta u briew kneng, bad ka ong, Ko Nongrep nga kyrpad ba phin iarap ia nga, da kaba phin pyniap ia ka Bthong kaba wan bam phlang ha kane hi ka madan, bad ka shait tuh lyngkha eh ruh ia kaba phi rep baroh.

5. Lada phi leit pyniap ia ka, ngan ngeit katba phi ong. Uta u briew u ong, Kata ngan da leit shimtiar ho, bad ngan shong halor ka met jong phi phin mareh ban beb ia ka, ban nga hi te ngam lap. Ka Kulai ka kohnguh.

6. Ynda ha kawei ka sngi u wallam la ka ryntieh bad ki khnam bad u lakam u ia shem ia ka Kulai ha kata hi kajuh, ka madan. U pyndait lakam shuwa ia ka Kulai

u kiew joit halor ka met jong ka. Tad u la kiew u pynfaid sha kawei ka lynti u pynpoi sha la iing la kan khiih ruh kam donbor shuh ba la pyndait da u lakam u sa teh iha sem.

7. Naduh kata ka por sa ioh ri u khun bynriew ia ka Kulai.

Ka pharshi jong kane pyrkhath pat phin da khamsan.

---

### 19.—U Ngap (Bee).

U Ngap u long uwei uba smat eh na ki khñiang para ba her, haba phi khmih u long uba rit, phim i myntoi khyndiat ruh ia u, hynrei to khmih bniah bha ia u; ha man la ki por um ju shong thait ne leh jaipdeh u her kylleng u leitwad um syntiew, u kjit bad u lum ha ki kjat jong u, u pynsoh slait-shi-slait kat bam pat dap bha biang la ka jingkit, um jub leit sha la iing.

Lada phi leit khmih ha khmat ka sympa ngap phin ioh-i uwei pa uwei u ngap u mih leit jingleit bad uba rong syntiew. Uwei pa uwei da uba donkam suda la ka jingleit ba ka jingwan.

2. Haba phi khmih pat hapoh ka ksing-ngap ne sympa ngap, phin ioh-i ba dap da ka rewngap shlait, don shi bynta ka ba dap da ka um ngap, shi bynta da u khun ngap, shi bynta pat ka rew suda, kaba u dang sdang thaw, ba katba nang wallam ki nang pyndap da ka um ngap. U kynshew lpa ka ban bam Tlang bam Lfur. Mynno mynno um juh kyrduh jingbam.

3. Ka jingbam ki briew ia ka um ngap te baroh kawei pyrthei bi, bad bun ki jaka ruh ki neiwkor shibun eh ia ka ngap ba ka ba-bang ba-thiang.

4. To khmih pyrshang ia ka jingsmat u ngap. Sa pyrkhut da kumno ba phin leh ban long smat kum u.

---

## 20 — U Dkhiew. (Ant).

1. Ki dkhiew haba phi khmih ki long kē barit eh ria na ki para khfiang ba, per ha khyadew; hynrei ka jingtalanglok bad ka jingamat jong ka to da khmih bnish sha ba ki talang lok bad, ba ki lah thaw jag da kumno hapoh khyndew?

2. Don bun na ki kiba nang khlaw ia ka khyndew, don bun pat kiba nangrong khyndew shabar rui shi rui, haduh ba kin da lah pynlong ka ying khraw kaba bit ba kin shong bad ban kynshew jingbam lalade.

3. Ka jingleit wad jingbam jong ki, kaba khlem kut haba phi da khmih it bha, kat uba leit uba wan, tang uwei ruh u ban laid jaipdeh, u ban shong kai ha lynti phin num shem; phin foh-i ba baroh imat da uba kyrkieh eh, la ka jong ka jong ka jingleit ka jingwan.

4. Haba ki shem pat hangno ma ba bun ka jingbam hangta ki lasop katba don, phin khmih uba nangrong uba nang shim, uba mang wan shaw khlem kut.

5. To khmih pyrshang ia kine ki khñiang barit kumno ka long ka jingsmat jong ki.

## 21.—U Khun baduk.

1. U khyannah babha hynrei ki kmie ki kpa jong u kiba duk. U khie la dang step u trei u beng katba lah ha ling bad u. Tarap ia la ki kmie ki kpa, tad u lah u khreh kot.

2. Haba u leit sha skul u laid kloi bran-bran um ju faleh kai byrngia ha lynti, bad u ju ong bad u ju pyrkhat halade ruh A! i Mei i Pa; ki long kiba bha shibun ba ki ia tyngkai sbai ia nga ban Ioh leit skul; hynrei kim lah buh skul slem ia nga : namar kata ka dei ia nga ban hikai bha ban dup nang kloi; ki khun riewbha kim suidñiew eh lada ki shong skul katno katno, namar ba ki don bei ki kmie ki kpa jong ki, hynrei nga seh ei ban iarap, lada ngam nang thoh nang pule ynda nga leit jingleit tang ban pule ne thoh shithi sha ki kmie ki kpa ruh ngan num nang; ban pule ki kitab bha ruh ngan num lah.

3. Ka dei ba ngan hikai jingkheif de, haba don kino kino kiba isynei ban ia ai kam, ha kiba shong dukan ban nangthoh jing-kheif; bad ia lade ruh haba nga leit thied jingthied ban nang buh la ka jingkheif.

4. Une u khynnah haba u lait na skul um ju faleh kai ha lynti u leit kloi sha la ting ban dup iarap trei jingtrei ia ki kmie ki kpa, bad ban ri para.

5. Ha lynti bunsien u' ju Ioh-i ia ki para khynnah kiba runar ki Yamai ki Yasnob, ki

Iatuh, ki iasmat lamler, bad ki kren tien-sih.  
Hynrei um juh kwah ialang bad ki.

6. Haba u shong sngi ha iing; u long uba  
trei minot u khmih la ki para, u sait bad  
u syrdep la ki jaiñ, u leit thiew kper bad  
puh kper; habadei badei u ia trei kper ryng-  
kat bad la u kpa la u long uba dang  
khyannah ruh da ka jingtrei minot u lah ban  
trei la syriem hi kum u rangbah, bad u  
sngewbha shihun eh ban lah trei jingtrei; u  
ong nga la jan hi ban leit trei, ban ioh  
jaiñ ioh nep, ioh bam ioh dih.

7. Haba u wan bam ja katba ai ka kmie u  
sngewbha bad um ju ong ruh, Iw! kata ka  
ja ka jyntah ka bym bang eh.

8. Haba u ioh-i ia ki khyannah kynthai ne  
khyannah shynrang kiba kup jain bha, um ju  
bishni ia ki. U ong ha lade, nga la ju ioh-  
sngew ba ki ong, bad nga la ioh pule ruh,  
ba long tang U Blei uba thaw riwbha bad  
riewduk; ki riwbha ki don bun ki jingku-  
slai, kiba duk lada ki long kiba bha ki long  
kiba suk; kumta ngan long uba suk kham  
tam na kiwei kiwei.

Une u khyannah da ka akor ba bha, jang  
u, ynaa u is tdkuan u, iohk, uha, uha, uha

stad bad uba donnam shibun eh ha la ka ri, bad kylleng kylleng.

---

## **22—Ka jingiathuh khana shaphang ka khynnah kynthei.**

1. Kata kawei ka khynnah kynthei kaba ngeit sneng, katba ong ki kmie ki kpa ka shah shkor kyndiang bad ka ïaleh minot ruh ban nang ïa kano kano kaba ki hikai ïa ka. Kam ju kaw-kaw daw-daw bad kam ju pynshitom ruh; kumta ki iet ïa ka bad kikwah ïa kren bad ka, bad ki batai ïa kane ïa katai laiphew jaid ba kan nang.

2. Ka nang ban pule bha. U kpa jong ka u iet bad u thied bun ki kitab rit ban pule kai ba kan dup nang. Katba ka pule ka da pynsngewthuh ïa lade, lada kam sngewthuh kumno kumno, ka leit kylli ha u kpa ne ha ka kmie.

3. Ia kano kano kaba la sdang leh ia kaei kawei, kam ju pynleit jingmut pat sha-wei, lada ka klet ei ei ne kum leh pallat ïa kano kano, ka sngewsih shibun eh na ka bynta kata. Haba ka kum kren lamler ka pyrshang katba lah ban num leh shuh kumta

4. Haba ka kwah ban tip ia kaei kaei, ka kylli na u kpa ne ka kmie, kumno ma ba ki batai ia ka, ka pyrshang katba lah ban buh jingkybmaw ia kaba ki batai.

5. Ka ju shong khop khop hajan ka kmie, ka thaiñ jingthaiñ, ka suh jingsuh, ka sumar ban leh khuid katba lah. Ka sumar la ki jain ka khylliap bad ka da syrtap bha khop khop, kam ju phriang madei la ki jain ki nep; haba ka shem ki kad ne pei ki jaiñ ka syrdep ka suh kam ju ieh noh kyrwang kyrwing.

6. Ia ki sohkhawja, ia u khaw pyrsit, ka da lum bha ban ai ia ki syiar, kam ju bret than.

### **23.—Ka Jingshet jakai.**

1. Don saw ngut ki khyannah kynthai; ki ialeh kai ha kawei ka jaka bad ki khiew jakai. Kawei ka ban leit iew, kawei ka ban thohdieng tong um, kawei ka ban ap iing sait jain sait nep kawei ka nongsnet nongtiew.

2. Kine baroh saw ngut ki ia thaw iing kai hangta ki ia buh baroh ki khiew ki siang.

3. Ka nongleit iew ka leit kheit ki tyr-



khang, ki shawiah bseif, kiba long sbirtong ki ju ong ki iar-ryngkuh, ka khat pat u shiap ki ong u khaw, bad kiwei kiwei ki fiut ka la wallam ha ka nengshetja.

4. Ka nongthoh dieng ka kdiah shynrain shynriah narud sañium, kam lap ba khmih bha ha kita ki shynrain dap da ki thliem; ka wallam hangta ha i iing shet jakai.

5. Hangta ka nongshet, ka sdang shet ja shet jyntah. Ka pynlong ja da u shiap, ka, jyntah da u tyrkhang bad sawiah bseif.

6. Ka nongsait jain, ka leit phyryp, baroh ki jainkup jong ki lok bad la ki jong ki jain ha ka um, ka shu wallam sngem ki jain baroh.

7. Ynda ki ialang baroh saw ngut ki ia pyrshang bam ja kai, ki ia shong lang rin baroh saw ngut, ki ia kup da ki jain sngem ki thliem na kita ki dieng shynraif ki nang par bad soh ia ki ruh, kim sngewthuh ne tip namar ba ki jain jong ki baroh ki sngem.

8. Haba kin shu pyrshang bam kai ia ka jakai ki da ia taw ha ka shyntur, hangta ki ia buid ki ktien ki ia yapler, haduh ban da wan poi ki rangbah.

9. Ki leit bah baroh saw ngut sha la iing

la iing ki pynbam sapoh ki lei ki lei ki sa kyndit bynriew.

10. Ha ba ki ia pynpli pat ki jain shem ba ki thliem ki la dait ia ki ryngdang, ki tangnguid baroh.

11. Kine ki khynnah baroh saw ngut naba ki leh khlem akor hi ki da ia ioh pang haduh shitaiew tam taiew marwei marwei. Kumta ia ki khynnah haba ki shet jakai ym dei ba kin da bam shisha, naba bun ki kyn-ja ñuit kiba long bih, na kaba sngem ki jain ruh ioh pang khlieh ioh suh kpoh.


---

## 24.—Shaphang u kulai.

1. Ha kawei ka lyngkha kba man ka sngi uwei kulai u leit bam kba, u sop ia lade da ka snieh khla. U trai lyngkha tad u ioh-i u phet iap phet im ba u sheptieng, u mut ba dei u khla shisha, tad bun sngi u shu dem shem ba dem wan uta u khla u bam ia u kba na lyngkha, nangta u trai lyngkha u leit siat jingmut, ban da dei u khla shisha te um dei ba un bam kba; kumta kumta kein u shim da kawei ka snieh kulai u sop ia-lade u leit ieng ha kawei ka dong lyngkha;

uta u kulai tad u ioh-i u pah kulai, "hia hia," hangta uta u trai lyngkha u phet nangta bran sha la iing u shim ia ka suloi u leit thap khop na sha khlaw ynda poi hajan ngong u siat shi suloi dam, uta u kulai u kyllon ha shen hi khop.

2. U trai lyngkha u leit khmih na jan u shem ba da u kulai u kup da ka snieh khla hangta u kynjat artad na i shynrong bad u iehnoh hangta hi sa bam ka khlieng ka tyng-ab ia ka doh uta u kulai.



## 25.—Shaphang u skain.

Uwei u skaiñ u sngew sarong ialade shibun eh, da kaba u her halor ki briew, ha ki khmat ha ki ngab, ha ki khlieh ki syiem, ki PADSHA ruh, kumta u sngew khraw ialade shibun eh. Ha kawei ka por u ioh-i ia uwei u masi kyrtong ba u iaïd kyrun kyrun, uta u skaiñ u i bitâr, shi synher wiang wiang u leit dem tiap ha ka reng uta u masi kyrtong; u mut ha la ka mynsiem ba un lah pynïap ia u masi ba un khyrwait na ki reng ban khein ia ka ryndang uta. Nangta na ba u dem na ka reng, u kren u ong, "Ko

masi kyr tong: me wat sarong eh ha khmat jong nga." *U masi kyr tong* u ong, "Ko skaifi me don haei ngam snewthuh." *U skain* u ong, "Nga la shong halor ka reng jong me ruh mem pat sngewthuh? Mane ~~blat~~ katba ong ma-nga ia me."

*U masi* u ong, A lok! me don ha-ei ha-ei ruh ngam sngewthuh, to to ñiuuma katba me mon ma-me.

Hangta *U skain* la u la ñaleh katno katno ruh tang ban pyinkhynñihuh khyndiat ia ka reng ruh um lah.

## 26.—Uba sarong.

1. Uno uno uba ngeit bieit eh bad sngewbha ia ka jingpynsarong sapei ki briew u ju shem jynjar shisha.

2. Ha kawei ka por, ka tyngab ka rong ka doh shi dkhot ha ka shyntur ka her shapoh khlaw ka leit deni ha ka tnat dieng; ha mar ba ka sdang ban bam uwei u myrsiang u ñaid shaphang shata u ñoh-i ia kata ka tyngab halor dieng bad la ka doh, u sdang ong "Wa! ko mei ab to sngap khyndiat ba ngan kren," ka tyngab naba kan

bam ka sngap noh tymbem bad la ka doh  
ha ka shyntur jong ka.

3. U Myrsiaug u sdang ban ong kumne,  
“Wa! ka jingbha briew jong phi te ym don  
shuh ha kane ka hima, yn khmih tang na  
ei, ka dur jong phi te mei ab lada don uno  
uno uba da khmih iit bha kumba khmih  
ma nga, un da iapler shi syndon; tang na  
u tdong ba u hiar don dur shu rymphai  
thapder, ka met bad ki thapniang jong phi  
ruh kaba shu wan dur pyngkon la kum i  
'nai khyndai miet, sa u ryndang kaba i  
kumba dap da u mahon mala ba phyrnai  
bha khrik khrik. Ka khlieh bad ka lyng-  
thohdoh jong phi kaba i shong dur shu  
tyngun la ka pankhyllong pynsan fiuh liar;  
bad jyllin bha i shalangmat la kumba da  
sad bha bad da fiad tymbew.”

4. “Uei ba ong ba phi long kaba iong?  
Ha ka jingkhmih jong nga te Wa! kynrad  
shu khrek khrek kumba kup da ka mukmol  
sairusom, ba ka phyrnai haba shat ka  
sngi, phi ialade phin lah ioh-i shano, hyn-  
rei ngi u nongkhmih te ngi lah ban ong ba  
fiar ha kane ka hima ban ia pyrshang bad  
phi; sa ka jingsngew thiang ka jingsawa

jingrwai jong phi ka bam sngew don pyrtnei shuh ?

5. "Katta ka jingbha briew jong phi, bad ka jingnang rwai jong phi, to seh to rwai kai noh khyndiat hangne ha ri khlaw ba kynjah ban iöhsngew bha ia ka jingkynud ka ryndang jong phi."

6. Ka tyngab ynda ka la iöshsgew ia ka jingpynsarong, ka la sngewmeng bad sngewbha ka bam tip shuh. Kam lah sngewthuh ia lade ba ka long haei bad ba ka, ka long kaba kumno, hangta ka sdang rwai. La dang ka ang hap la ka shyntur kata ka doh ba ka rong ka hap noh btuk ha khyndew. Uta u myrsiang uba nang ap ha trai dieng u kynrup nïew ia ka doh bad u rong soit, hangta ka tyngab ka duh khleng.

---

## 27.--Shaphang ka Tyngab.

1. Ia ka tyngab hapteng ki Khasi ki nïew kum ka sim ba don jingtip lpa lane kaba khubor ia kaba bha ia kaba sniew ruh. La bieit ha u myrsiang kumba la pyni ha kaba haneng ka lynnong ruh: hynrei ki

ju tharai ba long kaba sian shibun eh, ki ju ong iä ka tyngab la dang pyn-i khnam luiñ ka la her. Phin shem ba tad phi la shim maw ban shat ka la lap her.

2. Haba leit thohdieng, tong um, haba wan nam eh ka tyngab, hangta ki ju ong ba la don ki nongshohnoh ki dakait ban pyniap bad la bunsien eh ki la ju shem ruh.

3. Haba ka wan nam ha iing ba shong mynstep ne mynno mynno ka por ruh ym long kumba ka shu pah thala, ab ab, hynrei ba ka da wan pah kop, kop, hangta ki ju ong ba ka wallam khubor, ban ioh ka khubor bha ne ka khubor sniew iä kiba leit jingleit na iing na sem, lymne iä ki kha iä ki man bad la bunsien ruh ki ju shem kumne.

4. Ha pdeng ki Hindu bad ki English na duh mynhyndai haduh mynta ruh ki dang don kiba ong hi iä ka tyngab, ka long ka nong wallam khubor na U Blei, shaphang ka jingban wan jia kaba sniew, ne kaba bha.

5. Ha ka Baibl phin shem ba ka tyngab ka la bsa iä u Elijah bad ha kiwei-kiwei ruh phin shem bun eh kiba syriem.

## 28.—Shaphang u myrsiang bad ka puka.

Ha kawei ka por u myrsiang bad ka sim Puka ki ia lok shibun eh nangta ha kawei ka sngi, u khot iabam ja ia ka Puka sha la iing.

2. Uta u myrsiang u tiar jingbam da ka um shit-doh kaba dang um bha kleng kleng-u shim da kawei ka liang-dieng kaba lyng-kdang bha u theh ha kata ia ka um shit, u ai ia ka Puka ba kan bam, hynrei kaba pli ka Puka kam bit bam, kan puh da ka shyntur jong ka ruh ym ngat ka um shit, tang u myrsiang te ia lade u shu jliah bad lap bad lap bad u kjit artad da ka shyntur u lah pynlut khoit, u kdang artad. Ka Puka ka shu phet jingit.

3. Sa kata ka Puka pat ka khot bam jingbam. kyliang ia u *myrsiang* ka khreh jingbam da ka doh kaba la tylliat bha. Ka thep ha u kum uba rit ryndang eh. Ka ai ha khmat u *myrsiang* la un phrung ka shyntur da kumno kumno ruh um ngiam hangta u shu jliah lap lap tang ia ka ryndang kum; um da kdang satia u shu leit jingit, ka Puka te ka puh bad hung bad hung da la ka shyntur jrong jong ka, ka kdang ia lade.



4. Kumta phi kumba phi leh kylliang ia la u lok kumno ma, kumta ia phi ruh un leh kylliang.

---

## 29.—Shaphang ka sim Dkhoh.

*Ka Dkhoh* phi tip ba long kawei na ki kynja sim hynrei ka jinglong jong ka kaba khongpong.

Baroh ki sim ki mait ki her ki iaïd mynsngi hynrei ka *Dkhoh*, kam lah shah ia ka jingtyngshaiñ ka sngi, mynsngi ka leit rieh sha ba dum kam ju mih tang haba ka pjah te ka mih, ka syaid sngi bad ka khap brib jar jar la ki khmat ka ioh thiah, tad shu miet pat ka her kylleng ka leit wad jingbam. Ka ju bam eh ia ki kynja sim rit bad ia ki khnai ruh, lada kam iarap lem bad kane ka sim u kba ha lyngkha um lah sah ha ka khnai. Kumta kane ka sim ka long ka nong iarap shibun eh ia ngi ki khun bynriew.

---

## 30 —Shaphang ka Jakoid.

Kawei ka Jakoid ka i bishni ia ka jingheh bad ka jingkhraw u masi kyrtong uba

sngaid bha; ka kyan iā lade, bad ka nang  
 kylli, ha la ki khun ba ka la long kat u  
 masi ne em. Ki ong em hangta shisynkyan  
 eh bad khia bad khia haduh ban da pdang  
 noh ka snieh jong ka, hangta hi keiñ ka  
 iap noh khoid.

Kumta ka ban bishni iā ki briew kiba  
 khraw lane kiba riewbha kam ju dei.

### 31.—Shaphang u Sing &c.

Ha kawei ka khlaw don uwei u *Sing*,  
 uwei u *Myrsiang*, uwei u *Khnai*, uwei u  
*Bsong*, kine baroh saw tylli ki iālok shibun  
 eh. Ha kawei ka sngi wan bam phlang  
 kawei ka *Bythong* kaba itynnad bad kaba  
 sngaid bha shibun kaba shait phet shait ma-  
 reh bha. Kitei baroh saw tylli ki mrad shi  
 lok, ki la sngew bynnud, bad i kwah  
 shibun eh; da kumno ban iōh iā kata ka  
*Bythong*, ki iā shong shi jaka baroh saw  
 tylli hangta ki iā pyrkhāt ban iōh buit.

2. Nangta ong u *Myrsiang* ban shu iā beh  
 kata ym lap la yn leit thap u Sing ruh  
 kum ha kane ka madan um lah iōh, tang  
 da kane ka buit te lehse yn lah iōh iā ka  
*Bythong*.

Hangta ki ia ong da kumno te batai. U *Myrsiang* u ong, yn leit thap u *Khnai*, hamar ba la iohthiah ka *Bythong* u *Khnai* un dait ia ki thied kjat jong ka tad kam nang iaidl nang phet shuh, a *Sing* un sa leit pyniap. Ha kane ka jingpyrkhat baroh saw tylli ki ia kohnguh.

3. Kumta ha kawei ka miet u khnai u leit thap bha sor, hamar ba la iohthiah bha kata ka *Bythong*, u dait ia ki kjat, la ka kyndit kam nang phet shuh, hangta leit pyniap u *Sing* mynstep; tad kumta ki la ia sngewbhai shibun eh, ki la ia mut ban sa sdang bam.

4. U *Myrsiang* u ong, Ko lok haba la iohkat kum kane ka doh bha eh, ka dei ba ngin da ia sum ia sleh te ngin sa ia bam, to khie phi ia leit sum shuwa ngan nang ap manga.

5. Kumta kita baroh lai tylli (u *Sing* u *Khnai*; u *Bsong*) ki leit ia sum, nang ap u *Myrsiang*.

6. Lah sum shuwa u *Sing*, u wan hangta u shem ba u *Myrsiang* u leh sngewsih rymboifi.

U *Sing* u kylli u ong, Ko lok balei phi leh sngewsih ?

U *Myrsiang* pat u ong, Haba da u khnai ruh un kren beifi kum ia phi u Syiem ki laiphew mrad bareh ha ri khlaw, te yn ong kumno pat.

U *Sing* u ong, Phi iohsngew ba u ong kumno uta u Khnai lok ?

U *Myrsiang* u ong, A! Padsha ngan iathuh kein ba u khnai u ong, u *Sing* long uba don bor don nam un wan bam ia ka Bythong kaba pyniap da nga u Khnai balei um sngew lehraifi.

U *Sing* tad u iohsngew ia kane u ong, Shi da ka Khnai ruh kan kren sarong eh katta katta, bha ka iap ia ka ban bam ia ka doh kane ka Bythong. Kumta u phet nob soit.

7. Wan sa u Khnai tad poi tiap u *Khnai*, u *Myrsiang* u kyrngah khlieh ngang ngang.

U *Khnai*, u kylli u ong, Balei phi kyrngah khlieh ?

U *Myrsiang* u ong. A! lok ka pyrthei khyllah haba ia ka Bythong kaba pyniap ma phi, u *Sing* u ong pynban, Da ka khnai kan wan ia bam doh ryngkat bad nga.

U *Khnai* u ong, Ia ka ban da i beifi eh

iki briew bha ka duh ia ka ioh. Kumta u phet noh thiaw sha la poh ka thliew

8. Khadduh wan sa u Bsong, ia uta ruh u ong u Myrsiang bad ka jingleh sheptieng artad, Ko lok ngam tip la shibit kan wan jia aïu namar ba u Sing u byrngem ia phi bad u da saw ki khmat haiñ mynta u dang leit noh shatei un sa wan la shibit.

U Bsong tad u ioh sngew ia kata ka ktien, u phet noh bran sha kawei pat ka khlaw.

9. Tad ki la leit baroh phar kumba la thoh shaneng u *Myrsiang* u ong, Ha<sup>3</sup>ka buit i kohsiang te mynta ngan sa<sup>1</sup>bam<sup>1</sup> suk baroh shi bnai. Hangta u sa sdang bam hi piat.

Uba sian da ka buit u lah ban pynkyn-riah ia uba khraw barit ban dup ioh kabu ia lade.

### 32.—Shaphang ka pung jylliew.

1. Ha kawei ka madan don iwei i pung rit iba jylliew; uwei u briew u la sliang um eh; u leit hangta, la un tong um um lah ioh. U wad da ki tyllai bad u luta ban téh

ban shu pynhiar ban ioh la kumta ruh um lah ioh, u phet pdam noh; tad sa shibit kumta kumta hi, wan poi kawei ka skei ban dih um na ita i pung rit, la ka khmih ka um ngai ngai shapoh niamra. Hangta kam wad tiar ei ei ruh ka shu mied sha bneng dhong, tad katto katne ka um ka shu wan dap hi miar, Hangta kata ka skei ka dih um ha ban da ngiah shoiñ ka sa leit soit.

2. Uta u briew u kylli ia ka skei da kumno ba ka leh ba wan dap ka um bad ba ka ioh dih um na ita i pung. Ka skei ka ong, Phi phi don ki tiar ki tar ban ialeh pyrshah ia ka um, nga kaba khlem tiar nga kyrpad tang ia U Blei sha bneng. U hi u pyndap ia ka pung bad nga la ioh dih.

Phi ki khynnah ba bha to kynmaw ba tang da ka bor U Blei hi kaei kaei ka lah ban long.

### 33.—Ki matlah saw ngut.

Mynhyndai eh la dang bha ka shnong Hietinapur kaba rim, don kawei kaba ki ia-lang ki syiem baroh sawdong ka Hima Rū India ban ia pyrkhāt shaphang ka Hima bad ban ia pynlaid kumno ia la ka Hima.

2. Hangta don saw ngut ki matlah, kiba matlah la duh myndang kha ka kmie, ki ia shong harud lynti ba ki ia ap khrong na kiba iaid lynti; hadien ha shuwa jong kine ki matlah bun ki briew ba ki ia khmih kai ba wan poi ki syiem ki bakhraw batri. Ki ia ong haw haw, utei u syiem te uba bun Hati, don kiba ong na pdeng jong ki, Em utai pat uba bun ch ki Hati bad ki da pynkup pynsem ruh ha ki jaiu ba phyrnai bha, ki jingshong (Gaddi) da kiba da pyndait ksiar rupa, ban khmih la tyngshain hi ber, bad ka itynnad arlad.

3. Kine ki matlah baroh saw ngut ki la sngewpisa kaba katno ba kim lah ioh-i ia kita ki Hati tang ba ki iohsngew da ka shkor 'u tei u tai.'

4. Hapdeng jong ki, ki ia ong lada don uno uno u mahut Hati u ban wallam Hati hajan ba kin khmih ban tba te kin da ai paisa shi suka na kiba ki ioh khrong. Ha kata hi ka por dei uwei u mahut u pyniaid ia ka Hati na sharud shata, u ong to ai ki paisa bad to khmih une u Hati.

5. Kita ki matlah baron sawngut ki saw anna U mahut u leit lam ia u Hati hajan jong

ki. Kita ki matlah uwei u shim na u luta Hati, uwei u shim na ka kjat u piam khak uwei u tba na ka kpoh uwei pat u shim na u tdong, ki ia bat shiphang ki tba da ki kti, kumta len shi len haba kin da ngiah hi. Ki sa ong ia u mahut Hati, to khie leit lam noh katto ngi la ioh-i. Kim lah ban, ioh-i da ka khmat ba long uba khraw kat-no u hati, tam ha kaba ki shu tba da ki kti.

6. Tad ynda leit noh u hati, ki matlah ki ia ong, Ngil la ioh-i ia u Hati. Uwei uba bat na u luta u ong, u Hati u long uba lynter kum u dieng; uba piam na ka kjat, u ong, u Hati u long kum uwei u dieng bah lythaiñ; uba tba na ka kpoh, u ong, long kum u mawsiang plen plen; uba bat na u tdong, u ong, em phi baroh phim tip u Hati u long kum u dieng rit uwei u ba eh tuan tnan.

*Ka Pharshi.*—To pyrkhath ngi ha kane ka khyndew pyrthei haba ia wad ia U Blei U Trai Nongthaw long kum kitei ki matlah. Ngim lah ioh-i ia U Blei, ngi ia wad kylleng jar kat hala ba shemphang shemphang uwei da kumthie, uwei u ong da kumtai, uwei u ong da kumne.



Hynrei, kynmaw U Blei Kynrad um shym  
 kylla dur ei ei, U U long Uba neh bad uba shi.  
 sha, kam pher da kano kano ka lynti, tang  
 ka hok ka lah ban leit ia lam, sha U Blei  
 ba shisha ia phi.

---

## **24.—U Akbar Padsha bad u Birbol.**

1. Ha kawei ka shnong Hastinapur don  
 uwei u Padsha hyndai eh u kyrteng u Akbar  
 Padsha, uta ruh uba long hi baroh kawei ka  
 ri India. U don uwei u myntri rangbah jong  
 u, kyrteng u Birbol.

2. Uta u myntri u ioh bainong kaba  
 kor tam sanphew shah na kiwei kiwei ki  
 shakri, ka jingtrei jong u tang ban shu batai  
 bad pyniaid ia ka kam u Padsha nadong sha  
 dong, hynrei um da ju trei da la ka kti.

3. Ha kawei ka por ki shakri ki ia lang  
 lajan baroh ki ia sylla, ban leit ia kyrpad  
 ha u Padsha ban ia pynkor tulop ia ki de  
 kumba ioh u Birbol. Tad ki lah ia ong kum-  
 ta ki khreh ki khrum ki ialang lang baroh  
 ki leit ryngkat ha Dorbar u Padsha. Uwei  
 uba kham rangbah na ki, u ong ia u Padsha  
 Ko kynrad balei ia u Birbor phi ai tulop  
 shibun; ia ngi phi ai tang khyndiat khyndoi

u Birbol uba trei ei ei ruh em, tang ba u shong hajan jong phi, u shu ai hukum.

4. U Padsha shiphang u samrkhie shuwa, u sa ong, Phi tharai ba kor ka bor ia ka buit?

5. Hangta ki ia ong U Birbol un da iai don buit tam katno na ngi, lada phi da hukum ei ei ruh ngi lah kat ba lah u Birbol.

6. U Padsha u ong, O! ki bieit hapli, phi ia kren kumta, phi kwah eh kumne kumne ba ngan tynjuh ia phi bad u? Lehse phin ioh lehraiñ kheññ burom artad.

7. Ki paitbah ki ia ong, To ko kynrad to hukum ia ka ban da lah eh u Birbol ia ngi katne to ngin ia iap ruh ngin ialeh.

8. U Padsha u ong, To ñiuma to khie leit thew ia u Hati jong nga u don katno mon?

9. Hangta baroh ki shakri u Padsha ki leit pam ki diengbah. Ki wallam ki sai tyllai kiba khraw ba khraw ba ki mut ban thew tarajur. Ki la leit teh ha uwei u dieng soh pieng uba ar piam star. Ki sdiem kawei ka dieng pyngkiang kum dieng tarajur; la ki leit lam ia u Hati ki pynkiew, tad u buh tang kawei ka kti, la dkut noh ki tyllai

hangta ki la ia lyngoh jlang kim ia shemphang shuh ban leh da kumno. Tang kim ia shemphang shuh, ki leit ong ha u Padsha ba kim lah thew, bad ki ong u Padsha u phah ia ka bam lah ban leh mano mano ruh. U ong u Padsha, Lada phi ong ba phim ia lah shuh te ngan sa phah da u Birbol.

10. Hangta baroh ki ia ong to phah, ba kin ia khmih ba un lah da kumno? U Padsha u khot ia u Birbor, bad u ong, Kumne mynta sa ka kam jong phi ba phin leit thew ia une u Hati, lada phim lah thew hapdeng 12 kynta, ka kam myntri jong phi kan duh noh, bad na kane ka shnong ruh yn beh noh.

11. U Birbol u da nguh ngon, u ong, kynrad kan long kat kum ka hukum jong phi kumta kumta u hukum ban wallam shisyndon shiphew tylli ki lieng khraw ha kat (ghat) wah Ganges bad u phah bad ki diengtylli kat san phew ne shispah kit u phah teh lang baroh ki lieng bad u phah siang da kita ki diengtylli halor kita ki lieng u pyn madan bha, nangta u sa kyntiew da ka khyndew, u phah lape bha lin, tad lah ma lah u khot ia u mahut Hati, u phah leit lam ia u Hati ha ghat, u pynkiew halor kita ki lieng, katba ngam ki lieng ha ka um u buh dak, nangta

u sa pynhiar noh ãa u Hati, nadien kata u kyntiew pat da u maw mon haduh ban da ngam pat ki lieng haduh kata ka dak ba pynngam u Hati kumta kumta u la tip ba katno don ka jingkhia u Hati, u sa leit ãathuh ba don ka jingkhia u Hati haduh katta katta mon.

12. Nangta ki shakri baroh ki nguh ãa u Padsha bad ãa u Bilbol, ki ong naduh kane ka sngi ngim num kren ei ei shuh, ngi la mane, ba u Birbol, u la dei ba un ãoh tam palat bun bynta na ngi.

*Ka Pharshi.*—To khmih haba kumne, ka buit, ka jingstad long kaba tam, ym dei ba ngin bishni bad pihuiñ ãa ka jingñoh kor uba stad: ia uno uno u briew ha kane ka pyrthei long kaba tam ka jingstad. Haba u la don jingstad u lah ban leh bun bun ki kam ba khraw, bad u la lah ban trei ãa ki kam bah, hangta u la long bakhraw ha khmat u Siem u Padsha.

---

### 35.—U Nongrep bad ki khun.

Ha kawei ka por uwei u nongrep, u la tymmen shibun eh, u don ki khun, san ngut ki shynrang san ngut ki khun kynthei, u don ki masi ki blang, bad ar tylli ki lyngkha kba kiba khraw. Katba u dang shait dang eh u

leit íalam ía ki khun baroh baroh ha lyngkha ki ía trei lem, don kiba nang lur, don kiba shna stir, shna ía ka khap. Ki shait dep kloí bad ki íoh bet kba ruh ha ka por ba biang ki íoh kba haduh bam lah bam shuh baroh baroh shi íing, ki da íoh die artad; na ka tyngka die kba ki íoh thied jaiñ kup jaiñ sem man ka snem.

2. Naduh ba u tymmen u kpa, kim kham minot bha shuh ía ka lyngkha kba, kumta man ka snem ki da ía byndi kawei ar ka masi ba kin íoh bam pyndap snem. U kpa um ju kylli, u mut ba ki bud ía ka jing-íalam jong u.

3. Hynrei ki baroh shi para ki ía khmih mynthi uwei ía uwei, ki ía bishni. Da kab<sub>a</sub> ki ía leh kumne, ki masi ki blang ki la duna shibun ka lyngkha kba ruh la bun kaba sah khlaw noh, man ka kynti katba kylli u kpa. Ki shu ía ong baroh ka biang hi. (U tymmen bapli la un leit hi ruh um lah ban khmih ía kita baroh ba u la tymmen eh, tang ba un mih shabar shalait khlem da btin um lah íaid bha shuh. Ki khmat ruh u la byrie.

4. Ha kawei ka por u la pang kham jur, um angewim shuh, u khot ía ki khun baroh

ban wan ap pang, haba ki la ïa don baroh shiphew ngut sa ki ksiew jong u ruh ki la don; u peitmat khyndiat pher u khmih la ki khun ki ksiew kyrhai.

5. U ong "Ko kynrad baroh, ngam sngewlah shuh ban sah slem, ka la poi ka por ban ngan leit noh sha la ïing U Blei. Nga sahnud ba ngam lah ban ai ei ei ïi phi baroh katne."

6. Hangta na pdeng ki khun ki ksiew kiba ong "La dap biang ko pa, kaba phi la ai ïa ngi" Shiteng kiba ong, "To da im da koit ngin da sumar sukher hi," katto katne na pdeng ki, kiba mut, ba u la tymmen eh la kham bha ba un iap noh.

7. U tymmen u ong. Ko khun kynrad, ko ksiew kynrad, nga la ïoh biang ka jingsumar na ki kti ba sbun jong phi baroh, ngan sa leit sha la ïing U Trai Nongthaw; ngan ai ei ei ïa phi ruh ngam don. Hynrei khun tang kawei ka ktien ngan kren ïa phi baroh shi katne pyllun. Phin ïa kynmaw bad ri kyndong ba phin bha."

8. Baroh ki khun ki ksiew ki ïa ong. "To ong ko pa ngin kyntiew halor ka khlieh," Hamar kata u tymmen u bah lam liep liep

um tip briew shuh shiphang, ba u sngewieit  
 ɣa ki khun ki ksiew, la un sah ruh um lah  
 don bor; shiphang, u kyndit briew pat.

9. U ong "To khie leit shim ki kdait shi  
 kham," tad ki wallam u ai ha uwei u khup  
 rangbah uwei u kdait, u ong "To kdiah ar  
 lyngkhot."

10. Hangta baroh ki ɣa peitseh kim tip ba  
 u mut aɣu; uta u khun rangbah u shim u  
 kdiah khlak, kheɣn ar lyngkhot. U tymmen u  
 ong, "Phi khlaiɣn mu khun" u khun rangbah  
 u ong, "O! I pa, phi la kha khun rangbah  
 ba phin da phah ɣa uwei u skong ruh nga  
 lah hi." U kpa u ong, Kata ka long kaba  
 sngewbha shisha, to shim kein khun kine  
 baroh shi kham pynlang roit sa kdiah.

11. U khun rangbah, u shim ki kdait baroh  
 shi kham u sdang kdiah katno katno ruh um  
 lah, u ong, Ym lah phi pa. U kpa u ong To  
 pyrshang sa kiwei kiwei phi ɣa lah ne em?  
 Baroh kat kiba don hangta ki pyrshang kim  
 lah.

12. Hangta ong u kpa, Ko khun ko ksiew  
 kane long ka jing sneng khadduh jong nga.  
 Mynta ngan sa leit noh na kane ka pyrthei.  
 Lada phi ɣa lang baroh shi para, shi khun

shi ksiew, phin trei phin kam ei ei phin lah  
 bad phin jop. Lada phi ya bishni phi ya ieh-  
 noh marwei marwei te ei ei ruh phim lah  
 pynlong, bad phin shah lehbein ha ki bried,  
 kumba phi la ong baroh, ba phiu kynmaw  
 bad kyntiew halor ka khlieh ia ka ktien jong  
 nga, kane mynta ba nga kren to kynmaw.

13. Nadien kata u sa iap noh u tymmen.  
 Ki khun jong u, naduh kata katba ki trei  
 katba ki kam, ki ialang lang baroh baroh. Ki  
 lyngkha ki risai ki bha bad ki nang pynroi  
 pynroi. Ki blang ki masi ruh ki roi ki bha.

*Ka Pharshi.*—Kano kano ka kam haba ya  
 trei ya kam baroh shikur shi para lane shi  
 lok da kaba hok bad beit jingmut bad ya  
 ryutih shrak; kam ju kham don ka ban num  
 jop, ne u bried nabar pat ruh um lah wan  
 jop.